

聲
律
通
考

聲律通考序

周禮六律六同皆文之以五聲禮記五聲六律十二管還相爲宮言聲律者此兩言盡之矣自漢以來至於趙宋古樂衰而未絕惟今之俗樂有七聲而無十二律有七調而無十二宮有工尺字譜而不知宮商角徵羽余懼古樂之遂絕也乃考古今聲律爲一書蓋自周禮三大祭之樂爲千古疑義今考唐時三大祭各用四調而周禮乃可通以此知古樂十二宮本有轉調又據隋書及舊五代史而知梁武帝萬寶常皆有八十四調宋時姜堯章最爲知樂乃謂八十四調出於蘇祇婆琵琶近時凌次仲著燕樂考原之書遂沿其誤矣又古樂十二律立法簡易後人衍算術說陰陽皆失其旨今爲辨正以祛其惑至唐宋俗樂凌氏已徵引羣書披尋門徑然二十八調之四均實爲宮商角羽其四均之第一聲皆名爲黃鐘凌氏於

此未明故其說尙多不合且宋人以工尺配律呂今人以工尺代宮商此
今人失宋人之法律呂由是而亡凌氏乃以今人之法駁宋人此尤不可
不辯者也若夫古今樂聲高下則有隋志所載歷代律尺皆以晉前尺爲
比而晉前尺則有王厚之鐘鼎款識傳刻尙存今依尺以製管隋以前樂
律皆可考見宋史載王朴律準尺亦以晉前尺爲比又可以晉前尺求王
朴樂由是以王朴樂求唐宋遼金元明樂高下異同史籍具在可以排比
句稽而盡得之矣至於晉蔡始之笛可仿而造唐開元之譜可按而歌古
器古音千載未泯更非徒紙上之空談也自念少時惟好世俗之樂老之
將至因讀凌氏書考索故籍覃思踰年始得粗通此學其中參差變易紛
如亂絲細如秋毫故多爲圖表使覽者易明焉繕寫甫成再值兵燹幸未
亡失當此亂離之際何暇言樂惟當存此一編以今曉古以古正今庶幾

古樂不墜於地其有疏謬俟知音者正之爾咸豐八年十月番禺陳澧序

古樂五聲十二律還宮考第一

古樂五聲十二律相生考第二

晉十二笛一笛三調考第三

梁隋八十四調考第四

唐八十四調考第五

唐宋遼二十八調考第六

宋八十四調考第七

宋俗樂字譜考第八

歷代樂聲高下考第九

風雅十二詩譜考第十

聲律通考卷一

番禺陳澧撰

古樂五聲十二律還宮考

周禮大師曰掌六律六同以合陰陽之聲陽聲黃鍾大族姑洗蕤賓夷則無射陰聲大呂應鍾南呂函鍾小呂夾鍾皆文之以五聲宮商角徵羽

又大司樂曰凡樂圀鍾爲宮

鄭注云圀鍾夾鍾也

黃鍾爲角大族爲徵姑洗爲羽冬

日至於地上之圀丘奏之若樂六變則天神皆降可得而禮矣凡樂函鍾

爲宮

鄭注云函鍾林鍾也

大族爲角姑洗爲徵南呂爲羽夏日至於澤中之方丘奏

之若樂八變則地示皆出可得而禮矣凡樂黃鍾爲宮大呂爲角大族爲

徵應鍾爲羽於宗廟之中奏之若樂九變則人鬼可得而禮矣

禮記禮運曰五聲六律十二管還相爲宮也正義曰黃鍾爲第一宮下生

林鍾爲徵上生大族爲商下生南呂爲羽上生姑洗爲角林鍾爲第二宮

上生大族爲徵下生南呂爲商上生姑洗爲羽下生應鍾爲角大族爲第
三宮下生南呂爲徵上生姑洗爲商下生應鍾爲羽上生蕤賓爲角南呂
爲第四宮上生姑洗爲徵下生應鍾爲商上生蕤賓爲羽上生大呂爲角
姑洗爲第五宮下生應鍾爲徵上生蕤賓爲商上生大呂爲羽下生夷則
爲角應鍾爲第六宮上生蕤賓爲徵上生大呂爲商下生夷則爲羽上生
夾鍾爲角蕤賓爲第七宮上生大呂爲徵下生夷則爲商上生夾鍾爲羽
下生無射爲角大呂爲第八宮下生夷則爲徵上生夾鍾爲商下生無射
爲羽上生中呂爲角夷則爲第九宮上生夾鍾爲徵下生無射爲商上生
中呂爲羽上生黃鍾爲角夾鍾爲第十宮下生無射爲徵上生中呂爲商
上生黃鍾爲羽下生林鍾爲角無射爲第十一宮上生中呂爲徵上生黃
鍾爲商下生林鍾爲羽上生大族爲角中呂爲第十二宮上生黃鍾爲徵

下生林鍾爲商上生大簇爲羽下生南呂爲角○又曰黃鍾爲宮大簇爲商姑洗爲角林鍾爲徵南呂爲羽應鍾爲變宮蕤賓爲變徵

黃大太夾姑仲蕤林夷南無應

宮商角徵羽

宮商角徵羽

宮商角徵羽

羽宮商角徵

羽宮商角徵

徵羽宮商角

徵羽宮商角

徵羽宮商角

角 徵 羽 宮 商

角 徵 羽 宮 商

商 角 徵 羽 宮

商 角 徵 羽 宮

右十二管還相爲宮

黃大太夾姑仲蕤林夷南無應

宮 商 角 徵 羽 黃鐘爲宮
宗廟奏之

商 角 徵 羽 宮

角 徵 羽 宮 商 黃鐘爲角
圓丘奏之

徵 羽 宮 商 角

羽 宮 商 角 徵

大太夾姑仲蕤林夷南無應黃半

宮 商 角 徵 羽

商 角 徵 羽 宮

角 徵 羽 宮 商 大呂為角
宗廟奏之

徵 羽 宮 商 角

羽 宮 商 角 徵

太夾姑仲蕤林夷南無應黃大
半半

宮 商 角 徵 羽

商 角 徵 羽 宮

角 徵 羽 宮 商 太蕤為角
方丘奏之

徵 羽 宮 商 角 太蕤為徵
奏之宗廟奏之

羽 宮 商 角 徵

夾姑仲蕤林夷南無應

黃大太半半半

宮 商 角 徵 羽

圓鐘爲宮
國丘奏之

商 角 徵 羽 宮

角 徵 羽 宮 商

徵 羽 宮 商 角

羽 宮 商 角 徵

姑仲蕤林夷南無應

黃大太半半半

宮 商 角 徵 羽

商 角 徵 羽 宮

角 徵 羽 宮 商

徵羽 宮商角

姑洗為徵
方丘奏之

羽 宮商角 徵

姑洗為羽
圜丘奏之

仲蕤林夷南無應

黃大太夾姑
半半半半半

宮商角 徵羽

商角 徵羽 宮

角 徵羽 宮商

徵羽 宮商角

羽 宮商角 徵

蕤林夷南無應

黃大太夾姑仲
半半半半半

宮商角 徵羽

商角 徵羽 宮

角 徵羽 宮商

徵羽 宮商角

羽 宮商角 徵

林夷南無應 黃大太夾姑仲蕤
半半半半半半半半

宮商角 徵羽 雨鍾爲宮
方丘奏之

商角 徵羽 宮

角 徵羽 宮商

徵羽 宮商角

羽 宮商角 徵

夷南無應 黃大太夾姑仲蕤
半半半半半半半半

宮商角 徵羽

商角 徵羽 宮

角 徵羽 宮商

徵羽 宮商角

羽 宮商角 徵

南無應黃大太夾姑仲蕤林夷南半半半半半半半半

宮商角 徵羽

商角 徵羽 宮

角 徵羽 宮商

徵羽 宮商角

羽 宮商角 徵

南呂為羽方丘奏之

無應黃大太夾姑仲蕤林夷南半半半半半半半半

宮 商 角 徵 羽

商 角 徵 羽 宮

角 徵 羽 宮 商

徵 羽 宮 商 角

羽 宮 商 角 徵

應 黃大太夾姑仲蕤林夷南無
半半半半半半半半半半

宮 商 角 徵 羽

商 角 徵 羽 宮

角 徵 羽 宮 商

徵 羽 宮 商 角

羽 宮 商 角 徵

應鐘爲羽
宗廟奏之

右六律六同皆文之以五聲

五聲宮商角徵羽始見於周禮下至趙宋未之有改近世俗樂以工尺字譜代之遂不知宮爲何聲商爲何聲工尺行而宮商廢矣凌次仲著燕樂考原從明鄭世子之說上字爲宮尺字爲商工字爲角合字爲徵四字爲羽一字爲變宮凡字爲變徵斯爲定論審聲知音必自此始矣十二管還相爲宮者宮與商商與角徵與羽皆隔一律角與徵羽與宮皆隔二律加二變則角與變徵羽與變宮皆隔一律五聲相距不均故必有十二律而後可以還宮今俗樂勻分七聲而十二律亡矣以七聲還爲七調而十二宮缺矣使七聲可以還宮則伶倫造七律可也何必造十二律哉凌次仲云五聲二變還相爲宮此凌氏之囿於俗樂也

六律六同皆文之以五聲者蓋黃鐘之律文之以五聲則黃鐘爲宮黃

鐘爲商黃鐘爲角黃鐘爲徵黃鐘爲羽也周禮但曰五聲在後世言之

則謂之一均五調也六律六同皆如此則十二均六十調也隋書音樂

志云邳國公世子蘇夔曰韓詩外傳所載樂聲感人案韓詩外傳云湯

人溫良而寬大聞其商聲使人方廉而好義聞其角聲使人惻隱而愛
仁聞其徵聲使人樂養而好施聞其羽聲使人恭敬而好禮白虎通風
俗通公羊隱五年
傳何氏注略同及月令所載五音所中並皆有五又春秋左氏所云

七音六律以奉五聲准此而言每宮應立五調案蘇夔此說正可以解

周禮蓋十二律還爲十二宮譬則八卦也每宮立五調譬則八卦重爲

六十四卦也必有六律六同皆文之以五聲而後十二律還宮之義乃

備也舊五代史樂志載王朴奏疏云十二律旋迭爲均均有七調合八
十四調宗周而上率由斯道案此以八十四調爲宗周之樂則未

必然也周禮云文之以五聲則每宮五調十二宮合六十調耳
陳陽樂書謂古無七音且不信十二律旋宮則乖謬不必論矣

周禮三大祭之樂鄭注以爲三宮則角徵羽所用之律皆不合以爲三
宮則圖

鍾爲宮當以兩鍾爲角無射爲徵黃鍾爲羽也兩鍾爲宮當以應鍾爲角大簇爲徵姑洗爲羽也黃鍾爲宮當以姑洗爲角兩鍾爲徵南呂爲羽也但有宮角徵羽而無商其說難通沈存中筆談程易田通藝錄曲爲之說仍不可通魏書

樂志載長孫稚祖瑩表曰臣等謹詳周禮布置不得相生之次兩均異

宮並無商聲而同用一徵案此謂圓鍾爲宮太簇爲徵黃鍾爲宮亦太簇爲徵計五音不具則聲

豈成文莫曉其旨隋書音樂志載牛宏姚察許善心劉臻虞世基等議

曰周禮四聲非直無商又律管乖次以其爲樂無克諧之理案此皆不

言鄭注之誤而反以疑經然鄭注之誤亦因此而明矣考舊唐書音樂

志圓丘樂章圓鍾宮三成黃鍾角一成太簇徵一成姑洗羽一成以上

六變汾陰樂章林鍾宮太簇角姑洗徵南呂羽各再變享太廟樂章黃

鍾宮三成大呂角二成太簇徵二成應鍾羽二成摠九變新唐志略同此唐

人依倣周禮三大祭之樂五禮通考云此能全用周禮而各依其律者其圓鍾宮三成則圓

鐘爲宮自爲一調也黃鐘角太簇徵姑洗羽各一成則黃鐘爲角又爲一調太簇爲徵又爲一調姑洗爲羽又爲一調也林鐘爲宮以下皆仿此然則唐人解周禮之宮角徵羽乃宮角徵羽四調非一調中之宮角徵羽四聲也惟其各爲一調故謂之變也唐會要載開元八年趙愔言論郊廟川樂表曰周禮三處大祭俱無商調商金聲也周家木德金能尅木作者去之今皇唐土王卽殊周室其三祭並請加商調去角調此說亦可證宮角徵羽各爲一調故可以請去角調而用商調此皆周禮之定解其說必有所出而今不可考矣然卽出自唐人亦可代周禮義疏也

李文貞古樂經傳註云列代用樂惟唐樂與周禮最相近其以四樂爲四曲尤爲得之李氏此說考史證經真可謂心知其意者矣

惠天牧禮說云圜丘六變三宮四均方丘八變宗廟九變四宮四均此卽四樂爲四曲之說然謂之三宮四宮尙未精審三人祭之樂除圜鐘爲宮兩鐘爲宮黃鐘爲宮之外餘皆不得謂之宮但可謂之調惠氏蓋以調之名不古改而謂之宮耳謂圜丘三宮尤未精審太簇爲徵姑洗

爲羽雖皆以兩鐘爲宮然一爲太簇均之徵調一爲姑洗均之羽調不可混也惠氏之意則是其語則未當也孔氏約禮學危言云大司樂四

行各爲一均則精確之至矣○陳晉之樂書云周之作樂非不備五聲其無商者文去而實不去此則語意未明讀之不甚可解也

宋史樂志云劉几等謂明堂景靈宮降天神之樂六奏舊用夾鐘之均三奏謂之夾鐘爲宮夷則之均一奏謂之黃鐘爲角林鐘之均二奏謂之太簇爲徵姑洗爲羽則祀天之樂無夷則林鐘而用之有太簇姑洗而去之矣案此宋人沿襲唐人三成二成一成之法而又誤矣劉几譏之是也當時不知黃鐘爲角乃黃鐘均之轉調但知夷則宮以黃鐘爲角遂以夷則宮奏之

依唐人之例此當謂之夷則均之黃鐘角不知

不知

太簇爲徵乃太簇均之轉調不知姑洗爲羽乃姑洗均之轉調但知林

鐘宮以太簇爲徵姑洗爲羽遂皆以林鐘宮奏之

依唐人之例此當謂之林鐘均之太簇徵

林鐘均之姑洗羽不得徑謂之太簇徵姑洗羽也

此但知有十二宮不知有轉調故也然凡能

糾其謬而凡自爲說則更謬其言曰用黃鐘均之七聲以其角聲爲始終是謂黃鐘爲角用太簇均之七聲以其徵聲爲始終是謂太簇爲徵用姑洗均之七聲以其羽聲爲始終是謂姑洗爲羽案此更謬也用黃鐘均之七聲則黃鐘爲宮姑洗爲角安得謂之黃鐘爲角乎用太簇均之七聲則太簇爲宮南呂爲徵安得謂之太簇爲徵乎用姑洗均之七聲則姑洗爲宮大呂爲羽安得謂之姑洗爲羽乎亦由但知十二宮而不知有轉調故也

宋史樂志又載朱子與學者共講琴法云以禮運正義推之則每律各爲一宮每宮各有五調

案此朱子答吳元士書也

又載蔡元定六十調篇云十二律

旋相爲宮各有七聲合八十四聲宮聲十二商聲十二角聲十二徵聲十二羽聲十二凡六十聲爲六十調其變宮十二變徵十二不可爲調

黃鐘宮至夾鐘羽並用黃鐘起調黃鐘畢曲大呂宮至姑洗羽並用大

呂起調大呂畢曲云云黃鐘宮至夾鐘羽者黃鐘均五調黃鐘為宮為商為角為徵為羽也黃鐘為羽則夾鐘為宮蔡

氏謂之夾鐘羽實則黃鐘羽也凡蔡氏所言羽調者仿此此乃南宋人語及堯章歌曲張叔夏詞源皆然後則有此不其論其起調畢曲即

劉几所謂以某聲為始終然劉几謂用黃鐘均之七聲以其角聲為始終是謂黃鐘為角其說自謬蔡氏謂黃鐘宮五調用黃鐘起調畢曲則不

謬也凌氏燕樂考源詳案朱蔡之說與蘇夔同皆周禮之確解蓋必每詆蔡氏之說後別有辯

均有五調然後宮角徵羽可各為一調宮角徵羽各為一調然後周禮

乃可通且蔡氏律呂新書已引據周禮凌次仲不察乃詆其六十調為

鄭譯所愚蓋凌氏未考周禮三大祭之樂及隋志蘇夔之說耳宋子謂類云如

黃鐘為宮大呂為角太簇為徵應鐘為羽自是四樂各舉其一者而言之以大呂為角則南呂為宮太簇為徵則林鐘為宮應鐘為羽則太簇

為宮案此朱子說周禮不言每律一宮每宮五調乃言大呂為角則南呂為宮云云則似同於劉几所議景靈宮舊法矣豈朱子明於琴法而

證周禮則偶忘之歟

宋史樂志又云姜夔議古樂止用十二宮周六樂奏六律歌六呂惟十二宮也王太食三侑注云朔日月半隨月用律亦十二宮也齊景公作徵招角招之樂師涓師曠有清商清角清徵之操漢魏以來燕樂或用之雅樂未聞有以商角徵羽爲調者惟迎氣有五引而已案姜氏之說誤也但引周禮大司樂奏六律歌六呂及王太食三侑注以爲止用十二宮何不引三大祭之樂而亦以十二宮解之乎齊景公作徵招角招安知其非雅樂至漢魏以來則晉書宋書載荀勗笛有正聲調下徵調清角調其清角調下自注云不合雅樂然則下徵調固雅樂也姜氏豈未聞乎且旣云雅樂未聞又云惟迎氣有五引則更不能自守其說矣姜氏之說蓋本於隋書音樂志牛弘等議無用商角徵羽爲別調之法然則等又曰韓詩云聞其宮聲使人溫厚而寬大聞其商聲使人力廉而好義及古有清角清徵之流此則當聲爲曲今以五引爲五聲迎氣所用者是也案宏等亦不能自守其說隋志言國不能精知音律則其

說固未可
依據矣

或曰十二均轉爲六十調得無繁複乎曰似複而非複也通典云五聲
十二律旋相爲宮黃鐘之均大呂之均太簇之均用正律夾鐘之均黃
鐘爲羽黃鐘正律聲長用其子聲姑洗之均大呂爲羽大呂正聲長用
其子聲以下七均皆仿此文多不錄案子聲者半律也凡樂一均以一律爲主金石
以一均爲一均黃鐘均以黃鐘爲主餘十一律依次而下皆正律也大

呂均以大呂爲主餘十律依次而下皆正律其末則黃鐘半律也太簇

均以以下皆以此推之

通典謂大呂太簇二均皆用正律者但論十二宮則大呂爲宮不用黃鐘太簇爲宮不用黃鐘大呂

故云皆用正律耳若論十二均每均十二律之次第則大呂均之末爲黃鐘半律太簇均之末黃鐘大呂皆半律也故宗廟樂既

有黃鐘爲宮方丘樂之南呂爲羽亦以黃鐘爲宮此似複矣然而不同

者宗廟用黃鐘均其宮商角徵羽五聲皆正律也方丘用南呂均惟南

呂爲羽用正律其宮商角徵四聲皆半律也此所以不同也宗廟既有
大呂爲角方丘之姑洗爲徵亦以大呂爲角然而非複也一用大呂均
一用姑洗均也圜丘宗廟既有太簇爲徵圜丘之姑洗爲羽方丘之函
鐘爲宮亦以太簇爲徵然而非複也一用太簇均一用姑洗均一用函
鐘均也均不同則或用正律或用半律皆不同此其所以不複也此如今
之尺字調與笛之正宮調相應然在笛則爲尺
字調在笛則爲正宮調笛與蕭各一均故也

三大祭之樂有宮角徵羽而無商朱子語類云恐是無商調不是無商
音奏起來五音依舊皆在案朱子此說最爲精確蓋明乎五音皆在則
知周禮無商者非無商聲乃無商調矣明乎商自爲調則知宮角徵羽
亦各自爲調矣五聲各自爲調則一均有五調十二均有六十調矣正
惟不用商調而十二均之各轉五調了然無疑也

朱子此說與答吳元
士書每宮五調之說

皆周禮確解也五禮通考云歌聲則五音不可缺一調則商聲有殺氣故祭祀不用商調而只有四調案此卽朱子之說也

惠天牧禮說云非無商也商不爲均也宮君商臣以商爲均君臣易位故商不爲均

當云商不爲調

案惠氏此說推求所以不用商調之故蓋山朱人

四清之說而得之以爲每均第一聲最大若第一聲爲商則商大於宮故不可用沈存中補筆談云律有四清宮自黃鐘而降至林鐘宮商角不失尊卑之序至夷則卽以黃鐘爲角南呂以大呂爲角則民聲皆過於君聲須當折而用黃鐘大呂之清宮無射以黃鐘爲商太簇爲角應鐘以大呂爲商夾鐘爲角不可不用清宮其餘徵羽自是事物過於君聲無嫌此惠氏之說之所本也然宋人之樂有四清聲則商角二聲不至大於宮聲故補筆談所載有七商調七角調若周禮則不知有清聲歟無清聲歟無清聲則惠氏之說得之矣有清聲則商聲大於宮聲者

亦如宋人用其清聲可矣又何商調之不可用乎周樂有清聲無清聲
今無可考周禮小胥鄭注云鍾磬者編懸之二八十六枚而在一簾賈
疏引左傳服注云一縣十九鍾鍾七律賈氏解之云十二鍾當一月十
二月十二辰辰加七律之鍾則十九鍾隋書音樂志云後周故事懸鍾
磬法七正七倍合爲十四牛宏等以爲非而據鄭元曰鍾磬編懸之二
八十六而在一簾又引樂緯宮爲君商爲臣君臣皆尊各置一副故加
十四而懸十六案鄭服之說雖不同然十六十九皆多於十二律之數
皆似有清聲牛宏賈公彥所謂加者亦似指清聲而言也有清聲則惠
氏之說非也蓋周禮三大樂之無商其爲不用商調無疑也至其所以
不用之故則闕疑可矣

陳氏樂書謂四清非古制疑鄭氏傳會漢
得石磬十六面妄爲之說此尤武斷矣

聲律通考卷二

番禺陳澧撰

古樂五聲十二律相生考

管子地員篇曰凡將起五音凡首先主一而三之四開以合九九以是生黃鍾小素之首以成宮三分而益之以一爲百有八爲徵不無案此二有字疑誤三分而去其乘適足以是生商有三分而復於其所以是成羽有三分去其乘適足以是成角

呂氏春秋仲夏紀古樂篇曰昔黃帝令伶倫作爲律伶倫自大夏之西乃之阮隃之陰取竹於嶰谿之谷以生空竅厚鈞者斷兩節閒其長三寸九分而吹之以爲黃鍾之宮吹曰舍少次制十二簡以之阮隃之下聽鳳皇之鳴以別十二律其雄鳴爲六雌鳴亦六以比黃鍾之宮適合黃鍾之宮皆可以生之故曰黃鍾之宮律呂之本

又季夏紀音律篇曰黃鍾生林鍾林鍾生太簇太簇生南呂南呂生姑洗姑洗生應鍾應鍾生蕤賓蕤賓生大呂大呂生夷則夷則生夾鍾夾鍾生無射無射生仲呂三分所生益之一分以上生三分所生去其一分以下生黃鍾大呂太簇夾鍾姑洗仲呂蕤賓爲上林鍾夷則南呂無射應鍾爲下

案說苑修文篇與此略同其云林鍾生大呂夷則生太簇南呂下生夾鍾無射生姑洗蓋傳寫之誤也太元則盡同並識於此

淮南鴻烈解天文訓曰黃鍾之律九寸而宮音調因而九之九九八十一故黃鍾之數立焉律之數六分爲雌雄十二各以三成故置一而十一三之爲積分十七萬七千一百四十七黃鍾大數立焉凡十二律黃鍾爲宮太簇爲商姑洗爲角林鍾爲徵南呂爲羽黃鍾其數八十一下生林鍾林鍾之數五十四上生太簇太簇之數七十二下生南呂南呂之數四十八上生姑洗姑洗之數六十四下生應鍾應鍾之數四十三

案鄭本作四十二誤也宋書律

志作四十三
今據以正之
上生蕤賓蕤賓之數五十七上生大呂大呂之數七十六下

生夷則夷則之數五十一上生夾鍾夾鍾之數六十八下生無射無射之

數四十五上生仲呂仲呂之數六十極不生宮生徵徵生商商生羽羽生

角角生案此生姑洗姑洗生應鍾比於正音故為和應鍾生蕤賓不比正

音故為繆

史記律書曰律數九九八十一以為宮 三分去一五十四以為徵 三

分益一七十二以為商 三分去一四十八以為羽 三分益一六十四

以為角 黃鐘長八寸十分一宮索隱曰舊本多作七分蓋誤也 大呂長七寸五分三

分一程易田通藝錄曰落之二強三字 大蕤長七寸七分三角程曰十字 夾鍾長六

寸一分三分一程曰七字譌作一字又落之一強三字 姑洗長六寸七分四羽程曰十字

仲呂長五寸九分三分二徵程曰三分一之二 蕤賓長五寸六分三

分一程曰落之二強三字林鐘長五寸七分四角程曰十字夷則長五寸四分

三分二商程曰衍四分二字又落弱字南呂長四寸七分八微程曰調十字為七字無射長

四寸四分三分二程曰三分下落一之字二下又落強字應鐘長四寸二分三分二羽程曰

落一之字又曰十二律下有書五音字者有不書者不知其義○案史記文多譌脫朱子蔡季通皆嘗訂正而程氏審定尤為精密故錄之

又曰生鐘分子一分丑三分二寅九分八卯二十七分十六辰八十一分

六十四巳二百四十三分一百二十八午七百二十九分五百一十二未

二千一百八十七分一千二十四申六千五百六十一分四千九十六酉

一萬九千六百八十三分八千一百九十二戌五萬九千四十九分三萬

二千七百六十八亥十七萬七千一百四十七分六萬五千五百三十六

生黃鐘術曰以下生者倍其實三其法以上生者四其實三其法上九

商八羽七角六宮五徵九置一而九三之以為法實如法得長一寸凡得

九寸命曰黃鐘之宮故曰音始於宮窮於角

漢書律歷志曰黃鐘之長參分損一下生林鐘參分林鐘益一上生太族
參分太族損一下生南呂參分南呂益一上生姑洗參分姑洗損一下生
應鐘參分應鐘益一上生蕤賓參分蕤賓損一下生大呂參分大呂益一
上生夷則參分夷則損一下生夾鐘參分夾鐘益一上生亡射參分亡射
損一下生中呂

又載劉歆三統歷曰上生六而倍
之下生六而損之皆以九爲法

又曰呂子穀秬黍中者一黍之廣度之九十分黃鐘之長一爲一分十分
爲寸

又曰呂子穀秬黍中者千有二百實其龠龠者黃鐘律之實也

鄭氏禮記月令注曰凡律空圍九分

蔡邕月令章句曰黃鐘之管長九寸孔徑三分圍九分其餘皆稍短惟大

小園數無增減

續漢書律歷志注太平御覽

續漢書律歷志曰京房曰竹聲不可以度調

律呂之度見於古書者以呂氏春秋爲最古其云三寸九分爲黃鍾之宮自來無知其說者惟 律呂正義云開管截竹爲管詳審其音黃鍾之半律不與黃鍾合而合黃鍾者爲太簇之半律呂氏春秋以三寸九分之管爲聲中黃鍾之宮非半太簇合黃鍾之義耶 正義後編云半太簇長四寸其音比黃鍾微低再短一分則恰與黃鍾合謹案三寸九分爲黃鍾之宮至是而昭然若發矇矣蓋絲聲倍半相應竹聲倍半不相應必半之而又稍短乃相應卽京房所謂竹聲不可以度調也月令中央土律中黃鍾之宮鄭注云黃鍾之宮最長也孔疏云蔡氏及熊氏以爲黃鍾之宮謂黃鍾少宮也半黃鍾九寸之數管長四寸五分

新唐書禮

樂志之說
與此同

月令亦出於呂氏其所謂黃鍾之宮卽三寸九分之管鄭注

以爲最長固失之矣蔡氏熊氏知其爲黃鍾少宮而云管長四寸五分

則又不知竹聲倍半不相應也京房所謂竹聲不可以度調實樂律至

要之關鍵蔡伯喈且不知况後儒乎

李安溪古樂經傳引武進惲越菴說以三寸九分爲黃鍾應鍾之較

江慎修律呂圖徵載東原考工記圖以三寸九分爲四寸五分之論皆非也惟胡氏彥昇樂律表徵知三寸九分與九寸之聲相應耳

五聲以數相求之法見於管子者爲最古其云先主一而三之四開以

合九九者以宮求徵以徵求商以商求羽以羽求角皆當三分損益將

川四次三分故先四次三乘爲實然後四次三分皆無奇零也置一而

四次三乘之故爲八十一也四開者四次析開也一析爲三又析爲九

又析爲二十七又析爲八十一也

管子房元齡注未明四開之義今准遵律呂正義後編之說以解之

南史記所云九九八十一皆與此同惟史記以宮數三分去一爲徵商

數三分去一爲羽管子則宮數三分益一爲徵商數三分益一爲羽

其云

有三分而去其乘適足以是生商者有讀與又同去其乘者去其一也適是者無多少也有三分而復於其所以是成羽者亦如以宮求徵三分益一也有三分去其乘適足以是成商者與生商句同義

此徵羽爲淮南史記之倍數宮聲居五聲之中故漢書律歷志云宮中也居中央爲四聲綱也

江氏律呂圖徵

人云工尺上四合亦以上字居中也

淮南史記皆言黃鐘九寸又言九九八十一何也九寸者九寸之管也實數也八十一者以九寸之管命爲八十一使四次三分皆無奇零也虛數也且史記但云九九八十一爲宮而不云九九八十一爲黃鐘者十二律皆可爲宮隨其長短皆可命爲八十一以求徵商羽角非獨黃鐘爲然也史記又言黃鐘長八寸十分一者卽以九寸之管命爲八寸一分此寸分亦虛數也索隱云黃鐘長九寸者九分之寸劉歆鄭元等

皆以爲長九寸卽十分之寸不依此法此小司馬之臆說耳

左傳昭二十年孔疏

云以黃鐘九寸自乘爲九九八十一定之爲宮數四宮而損益以定商角徵羽之差唯相準況耳非言實有此數可用之也

以黃鐘求大呂以下十一律當用十一次三分損益故先置一而十一次三乘之爲十七萬七千一百四十七則十一次三歸皆無奇零此尤虛數也安有樂器可以分畫爲十七萬七千一百四十七者哉此陳仲儒所謂離朱之明猶不能窮而分之者

陳仲儒語見魏書樂志

故淮南子雖以十七萬七千一百四十七爲黃鐘大數而其算十一律仍以黃鐘八十一

起數也

史記則以十七萬七千一百四十七起數以此爲黃鐘之實置一而九三之得一萬九千六百八十三爲法除之得九寸由是以黃鐘之實三分之二得十一萬八千零九十八爲林鐘之實所謂丑三分二也以黃

鐘之實九分之八得十五萬七千四百六十四爲太簇之實所謂寅九分八也以下九律之實皆倣此於是下生則倍其實三其法如黃鐘下生林鐘則倍黃鐘之實得三十五萬四千二百九十四而三倍黃鐘除法得五萬九千零四十九爲法除之得六寸也凡下生者皆倣此上生則四其實三其法如林鐘上生太簇則四倍林鐘之實得四十七萬二千三百九十二亦以五萬九千零四十九除之得八寸也凡上生者皆倣此惟所謂上九商八羽七角六宮五徵九者不可解案隱云此文似數錯未暇研覈澧則研覈而未解有解之者亦未敢信以爲然也

十二律之相生非真有陰陽之氣以生也乃以此律求彼律之法耳其相生以黃鐘爲本非真十一律皆由黃鐘之氣而生也乃以黃鐘起數以求十一律耳古人以聲不可文載口傳

此語本續漢書律志注引蔡伯喈月令章句故以

律示人使其依律而自得之然律多奇零之數故惟以黃鐘之律示人其餘十一律則以黃鐘三分損益轉轉而盡得之此易簡之法也考工記每一器但記一數爲起數之根而轉生他數卽是此法如輪人六分其輪崇以其一爲之牙圍參分其牙圍而漆其二云云此以輪崇之數生諸數豈輪能生牙牙能生漆哉亦爲易簡之法使人易知易從而已律呂相生正如是矣黃鐘爲律本正如是矣

凡物之形長者高短者下故十二律長生短則曰下生短生長則曰上生呂氏淮南韃賓生大呂夷則生夾鐘無射生仲呂皆爲上生大呂生夷則夾鐘生無射則爲下生京房六十律鄭氏周禮注皆同此說惟漢書律曆志韃賓生大呂夷則生夾鐘亡射生仲呂皆曰下生大呂生夷則夾鐘生亡射皆曰上生然所得大呂夾鐘仲呂皆半律必倍之乃得

全律不如呂氏淮南之法為直截矣

史記律數大呂長於太簇夾鐘長於姑洗仲呂長於蕤賓此與呂氏

淮南之法同也其生鐘分未二千一百八十七分一千零二十四分大呂不及黃鐘

鐘為二千一百八十七分而大呂得一千零二十四分大呂不及黃鐘

之半乃大呂半律也其西為夾鐘分數亥為仲呂分數皆仿此續漢書

此則大呂夾鐘仲呂皆半律與漢志同即漢志之說所自出也

律歷志乃云陽生陰曰下生陰生陽曰上生此則不據長短之實形而

說陰陽之虛理蔡季通遂謂呂氏淮南陰陽錯亂矣然又謂大呂夾鐘

仲呂用倍數方與十二月之氣相應則仍是呂氏淮南之數耳

續漢書律歷志云元帝時郎中京房受學故小黃令焦延壽六十律相

生之法中呂上生執執始下生去滅上下相生終於南事六十律畢

矣故作準以定數準之狀如瑟長丈而十三弦隱聞九尺以應黃鍾之

志載六十律之數文多不錄

律九寸中央一弦下有畫分寸以為六十律清濁之節

案仲呂為宮則黃鐘半律為徵而仲呂之數三分損一不合黃鐘半律

之數倍之不合黃鐘全律之數

黃鐘十七萬七千一百四十七仲呂十三萬一千七十二三分益一十七萬四

千七百六十二

焦京乃創立執始之名由此推算爲六十律然終不能復合黃

鐘之數也

蔡季通則於京房所增四律書律歷志載何承天立法制議

云上下相生三分損益其一蓋是古人簡易之法猶如古應周天三百

六十五度四分之一後人改制皆不同焉而京房不惜謬爲六十律竟

律志云凡三分益一三分損一此其大略京房不思此意爲六十律竟

復不合彌益其疏案何承天之說千古卓識沈約之說實本於承天也

隋志云劉焯曰舊計未精終不復始明鄭世子載堦律呂精義云三分損益舊率疏外案焯與載堦之說皆何承天所謂不悟者也惟其

爲簡易大略之法故仲呂爲宮黃鐘爲徵不必論其數之小有不合還

相爲宮十二律而足矣

魏書樂志云公孫崇以十二律還相爲宮清濁悉足魏書樂志載陳仲儒

言房準九尺之內爲一十七萬七千一百四十七分雖復離朱之明猶

不能窮而分之尤深中焦京之病而錢樂之沈重祖孝孫又增衍爲三

百六十律

見隋志及舊唐書祖孝孫傳

皆傳會

歷數假託古候而實無施於樂也

續漢

志云京房六十律其術施行於史官候部用之宋書律志云荀勗奏六十律無施於樂

今爲六十律表於左以著

其謬至三百六十律更不足辯矣

黃鍾

林鍾下生

執始

去減下生

丙盛

安度下生

分動

歸嘉下生

質末

否與下生

林鍾

太簇上生

去滅

時息上生

安度

屈齊上生

歸嘉

隨期上生

否與

形晉上生

太簇

南呂下生

時息

結明下生

屈齊

歸期下生

隨期

未卯下生

形晉

夷汗下生

南呂

姑洗上生

結明

變虞上生

歸期

路時上生

未卯

形始上生

夷汗

依行上生

姑洗

應鍾下生

變虞

遲內下生

路時

未育下生

形始

遲時下生

依行

色育上生

應鍾

蕤賓上生

遲內

盛變上生

未育

離宮上生

遲時

制時上生

色育

謙待下生

蕤賓

大呂上生

盛變

分否上生

離宮

凌陰上生

制時

少出上生

謙待

未知上生

大呂

夷則下生

分否

解形下生

凌陰

去南下生

少出

分積下生

未知

白呂下生

夷則

夷則上生

解形

開時上生

去南

族嘉上生

分積

爭南上生

白呂

南授上生

夾鍾

無射下生

開時

閉掩下生

族嘉

鄰齊下生

爭南

期保下生

南授

分鳥下生

無射

中呂上生

閉掩

南中上生

鄰齊

內頁上生

期保

物應上生

分鳥

南事上生

中呂

乾始上生

南中

丙盛上生

內頁

分動上生

物應

質上生

南事

生不

自執始十二律至丙盛又十二律至分動又十二律至質末皆當黃鐘

之位而其數愈少愈不合黃鐘之數

丙盛十七萬二千四百一十分動十七萬八千九百九十六萬七千

百八又五律至色育當應鐘之位自應鐘至色育降四等矣十二律應鐘

最短又降四等幾及於黃鐘半數矣故夷汗上生依行依行當下生色

育乃不循下生之次第而又上生色育雖自亂其例而不顧者欲倍色

育之數以及於黃鐘也無如其數仍不及黃鐘

色育十七萬六千七百七十六

是終不

能復於黃鐘也故推至南事爲六十律而不復推也此沈約所謂竟復

不合彌益其疏者也

甄鸞五經算術云此乃荀爽充六十之數其於義理未之前聞

隋書律曆志云何承天更設新率則從中呂還得黃鐘黃鐘長九寸太

簇長八寸二釐林鍾長六寸一釐應鍾長四寸七分九釐強其中呂上

生所益之分還得十七萬七千一百四十七

案宋書律志新律度分卽何承天所設也

又云

劉焯校定黃鐘長九寸太簇長八寸一分四釐林鍾長六寸應鍾長四

寸二分八釐七分之四明鄭世子載堉律呂精義內篇云新法算律用

勾股術命平方一尺爲黃鐘之率勾自乘股自乘相併開平方得弦卽

蕤賓倍律之率以勾乘之開平方卽南呂倍律之率仍以勾乘之又以

股乘之開立方卽應鍾倍律之率案何承天劉焯所增之數史家不言

其算法載堉則云用勾股術四庫提要以爲卽諸乘方連比例相求

法云勾股術者飾詞也澧謂連比例三率有首率末率求中率之法以

首率末率相乘開平方得中率此當以黃鐘與黃鐘半律相乘開平方

得蕤賓

若以黃鐘倍律與黃鐘相乘開平方則得蕤賓倍律載增以兩黃鐘各自乘相併者即黃鐘倍律與黃鐘相乘之數也

由

是以黃鐘蕤賓求夾鐘以蕤賓與黃鐘半律求南呂皆以首率末率求

中率更以黃鐘夾鐘求大呂太簇以夾鐘蕤賓求姑洗仲呂以蕤賓南

呂求林鐘夷則以南呂與黃鐘半律求無射應鐘則連比例四率有一

率四率求二率三率其法以一率自乘又以四率乘之開立方得二率

以四率自乘又以首率乘之開立方得三率也然此於算法則密矣而

非古人易簡之意古法三分損益人人皆解若連比例算法則必明算

而後能知之載增著書可以精研算法如欲通行於天下安能使工人

學算而後製其器伶人學算而後按其聲乎且黃鐘九寸三分損益之

數與連比例之數所差者不多固可以不必計也
古無連比例算法然三分損益卽連比例之意故所差不多也今各列其數於左

三分損益十二律

連比例十二律

黃鐘九寸

黃鐘九寸

大呂八寸四分二釐七毫有奇

大呂八寸四分九釐四毫有奇

太簇八寸

太簇八寸〇一釐八毫有奇

夾鐘七寸四分九釐一毫有奇

夾鐘七寸五分六釐八毫有奇

姑洗七寸一分一釐一毫有奇

姑洗七寸一分四釐三毫有奇

仲呂六寸六分五釐九毫有奇

仲呂六寸七分四釐二毫有奇

蕤賓六寸三分二釐有奇

蕤賓六寸三分六釐三毫有奇

林鐘六寸

林鐘六寸〇〇六毫有奇

夷則五寸六分一釐八毫有奇 夷則五寸六分六釐九毫有奇

南呂五寸三分三釐三毫有奇 南呂五寸三分五釐一毫有奇

無射四寸九分九釐四毫有奇 無射五寸〇五釐一毫有奇

應鐘四寸七分四釐有奇 應鐘四寸七分六釐七毫有奇

黃鐘九寸三分損益十一律之數與連比例十一律之數其林鐘太簇

二律所差甚微南呂姑洗二律所差猶甚微其餘諸律所差乃稍多耳

以黃鐘爲宮生林太南姑四律爲徵商羽角五聲已備而所差皆甚微

可以不計故管子史記皆以宮聲爲八十一以生徵商羽角蓋隨舉一

律以爲宮皆命爲八十一 朱子語類云且如大呂爲宮則大呂用黃鐘

然則其所生徵商羽角四律皆不覺其微差故三分損益之法不爲疏

也且京房朱載堉推行算法而不憚煩者皆以爲合於數而後合於音

也而房與載堦所算之數則不同房之音合則載堦之音不合矣載堦之音合則房之音不合矣然則房與載堦皆自以其音爲密合也此尤可見數雖微差而音則不覺有差也古法誠不必改也

三分損益之數較之連比例之數稍少古人固已知之矣淮南子黃鐘八十一林鐘五十四太簇七十二南呂四十八姑洗六十四皆無奇零自姑洗以下以三分損益算之應鐘當得四十二又三分一之二而淮南乃云應鐘之數四十三蕤賓當得五十六又三分一之二強乃云蕤賓之數五十七大呂當得七十五又三分一之二強乃云大呂之數七十六夷則當得五十又三分一之二弱乃云夷則之數五十一夾鐘當得六十七又三分一之一強乃云夾鐘之數六十八無射當得四十四又三分一之二強乃云無射之數四十五仲呂當得五十九又三分一

之二強乃云仲呂之數六十淮南於此七律之數皆稍增之者非徒取其無奇零也若欲無奇零則何不減去其奇零乎蓋其所以增者以其數稍少故也是固知三分損益之未密而增之使幾於密也

林鐘太簇南呂姑洗

四律不增者以其差甚微也

奚待何承天劉焯朱載堉而後設新率哉

京房言竹聲不可以度調謂三分損益相生倍半清濁相應弇音則然管音則否也蓋定黃鐘之聲必以管定大呂以下十一律必以弇先吹黃鐘管以定黃鐘弇其餘十一律以三分損益按弇而彈之即盡得十一律聲矣按弇之半而彈之即得黃鐘半律之聲矣若製大呂以下十一管則下生者三分損一而稍短上生者三分益一而稍長其聲乃合也然此亦非獨京房知之而古人皆不知也呂氏春秋以三寸九分爲黃鐘之宮而淮南子言黃鐘九寸則古人固知竹聲倍半不相應也

近代

則鄭世子知之其說竹管黃鍾半律與全律不相合大呂半律乃與黃鍾略差不遠律呂正義謂半太簇合黃鍾蓋由此而審定之也

古書但言黃鐘管之長漢志則兼言容黍之數然猶未言圍徑之數蓋

其管長九十黍容千二百黍吹之卽得黃鐘聲不必言圍徑而圍徑在

其中矣鄭氏蔡氏始言圍九分徑三分

徑一圍三古率最疏蔡氏言圍九分徑三分本大略之數不可

據之以

後人乃以長九寸圍九分徑三分而算其中容之積或以積而

算其圍徑然所算之積乃方分而黍則圓而長其在管中橫斜無定尤

無可算之理且不獨管中容黍不可算卽排黍爲尺而黍有大小亦多

不確漢書言子穀桓黍中者亦約略之語耳隋書律歷志云周宣帝時

達奚震牛_力等議曰時有水旱之差地有肥瘠之異取黍大小未必皆

得中宋史律歷志云丁度等言歲有豐儉地有硤肥就令一歲之中一

境之內取以校驗亦復不齊是蓋天物之生理難均一古之立法存其

大概爾故前代制尺非特累黍必求古雅之器以雜校焉蔡氏律呂新書亦譏王朴專恃累黍皆通論也凌次仲不取累黍之說是其有識也

皇祐新樂圖記云黃鍾管每長一分積九分空徑三分四釐六毫自注云算法置九分三分益一得十二分以開方除之得空徑之數案此乃徑一圍三積七五之法最爲疏闊蔡氏律呂新書云圍十分三釐八毫徑三分四釐六毫此亦徑一圍三之數苑洛志樂乃云多取竹管必求徑三分四釐六毫周十分三釐八毫者而後用之庶得聲氣之元夫聲氣之元豈由於算法况算法疏闊如此而篤信之未免失之愚矣○新樂圖記繪十二律四清聲之管各記其長數及空徑之數然黃鍾至林鍾空徑皆三分四釐六毫而自夷則以下空徑遞減此當時吹律審音者覺下生之管三分損一而聲未合又覺四清聲之管用本律之半而聲亦未合然不敢減其長數故減其空徑以遷就之此可見竹聲不可以度調當時已稍知之惜未從而深究之耳律呂新書譏其闕徑不同以就黃鍾清聲而未知其所以不同之故也

聲律通考卷三

番禺陳澧撰

晉十二笛一笛三調考

宋書律志曰晉泰始十年中書監荀勗中書令張華出御府銅竹律二十五具部太樂郎劉秀等校試其三具與杜夔及左延年律法同其二十二具視其銘題尺寸是笛律也問協律中郎將列和辭昔魏明帝時令和承受笛聲以作此律歌聲濁者用長笛長律歌聲清者用短笛短律凡絃歌調張清濁之制不依笛尺寸名之則不可知也勗等奏如和對辭笛之長短無所象則率意而作不由曲度考以正律皆不相應吹其聲均多不諧合又辭先師傳笛別其清濁直以長短工人裁制舊不依律是爲作笛無法而知寫笛造律又令琴瑟歌詠從之爲正非所以稽古先哲垂憲于後者也案周禮調樂金石有一定之聲是故造鍾磬者先依律調之然後施

於廟懸作樂之時諸音皆受鍾磬之均卽爲悉應律也至于饗宴殿堂之上無廟懸鍾磬以笛有一定調故諸絃歌皆從笛爲正是爲笛猶鍾磬宜必合於律呂如和所對直以意造率短一寸七孔聲均不知其皆應何律調與不調無以檢正輒部郎劉秀郎吳王豔魏邵等與笛工參共作笛工人造其形律者定其聲然後器象有制音均和協又問和若不知律呂之義作樂音均高下清濁之調當以何名之和辭每合樂時隨歌者聲之清濁用笛有長短假令聲濁者用三尺二笛因名曰此三尺二調也聲清者用二尺九笛因名曰此二尺九調也漢魏相傳施行皆然案周禮奏六樂乃奏黃鍾歌大呂乃奏太簇歌應鍾皆以律呂之義紀歌奏清濁而和所稱以二尺三尺爲名雖漢魏用之俗而不興謹依典記以五聲十二律還相爲宮之法制十二笛象記注圖例如別省圖不如視笛之了故復重作

蕤賓伏孔簡其制云 黃鍾之簡正聲應黃鍾下徵應林鍾長二尺八寸

四分四釐有奇

正聲調法以黃鍾為宮則姑洗為角翁簡之聲應姑洗故以四角之長為黃鍾之簡也其宮聲正而不倍故曰正聲

正聲調法黃鍾為宮

第一應鍾為變宮第二南呂為羽第三林鍾為徵

第四孔也蕤賓為變徵第五附姑洗為角簡體太簇為商簡後出孔也商聲濁

聲以在體中故上其商孔令在宮上清於宮也然則宮商正也餘聲皆倍

也是故從宮以下孔轉下轉濁也此章說簡孔上下大律之名也下章說律呂相生

簡之制也正聲調法黃鍾為宮律從簡首下度之盡二律之長而為孔

則得宮宮生徵黃鍾生林鍾也以林鍾之律從宮孔下度徵生商林鍾生

太簇也以太簇律從徵孔上度之商生羽太簇生南呂也以南呂律從商

為孔則得羽生角南呂生姑洗也以姑洗律從羽孔上行度之盡律而為

簡者左手所不及也從羽孔下行度之盡律而為孔亦得角聲出於附孔

之下則吹者右手所不逮也故不作角孔推而下之復倍其均是以角聲

在簡體中古之制也音家舊法雖一倍再倍但角生變宮姑洗生應鍾也

上句所謂當為角孔而出於商上者墨點識之以變宮生變徵應鍾生蕤

賓也以製賓律從變宮下度之盡律為孔則得變徵之聲十二笛之下

徵調法林鍾為宮倍令濁下故曰下徵下徵更為宮者記所謂五聲十二

律還用為宮者也然則南呂為商第三孔也本正聲黃鍾應鍾為角第二

正聲調清下徵調濁也黃鍾為變徵下徵之調林鍾為宮大呂當變徵而黃

今為下徵之角也黃鍾為變徵鍾本無大呂之聲故假用黃鍾以為

變徵也假用之法當變徵之聲則俱發黃鍾及太簇應鍾三孔黃鍾應濁

而太簇清大呂律在二律之間俱發三孔而徵磬硬之則得大呂變徵之

聲矣諸笛下徵調求太簇為徵商今為下徵之徵姑洗為羽笛中翁

變徵之法皆如此附孔是也本正聲之變徵也今為下徵之變宮

聲之角今為蕤賓為變宮也然則正聲之調孔轉下轉濁下徵之調孔轉

下徵之羽也蕤賓為變宮也然則正聲之調孔轉下轉濁下徵之調孔轉

上轉清角之調以姑洗為宮為羽清角之調乃以為宮而哨吹令清故

清也清角唯得為宛故議蕤賓為商也林鍾為角也南呂為變徵非正

俗之曲不合雅樂也太簇為變宮非正也清角之調唯宮商及徵與

鍾為徵正黃鍾為羽也非正太簇為變宮律相應餘四管非正皆濁一律

哨吹令清假而用之其例一也

凡笛體用角律其長者八之

鍾也

短者四之

其餘十

也宮中實容長者十六

短笛竹宜受八律之黍也若長短大小不合於此或器用不便聲均法度之齊等也然笛竹率上大

下小不能均齊必不

三宮

一日正聲二日清角三日清角

二十一變也

宮有七聲錯綜用之故二十一變也

諸笛例

伏孔四所以便用事也

一日正角出於商上者也二日倍角近笛下者也三日變宮近於宮孔倍令下者也

四日變徵遠於徵孔倍令高者也或倍或半或四分一取則於琴徽也四者皆不作其孔而取其度以應進退上下之法所以協聲均便事用也其

木孔隱而不見故曰伏孔

大呂之笛正聲應大呂下徵應夷則長二尺六寸六分三

釐有奇

太族之笛正聲應太族下徵應南呂長二尺五寸三分一釐有

奇夾鍾之笛正聲應夾鍾下徵應無射長二尺四寸

姑洗之笛正聲

應姑洗下徵應應鍾長二尺二寸三分三釐有奇

禮案志無仲呂之笛蓋有闕文也律呂正義

後編依其法補之云仲呂之笛正聲應仲呂下徵應黃鍾長二尺一寸三分二釐有奇

蕤賓之笛正聲應蕤賓下

徵應大呂長三尺九寸九分五釐有奇

變宮近宮孔故倍半令下便於用也林鍾亦如之

林鍾

之笛正聲應林鍾下徵應太簇長三尺七寸九分二釐有奇 夷則之笛

正聲應夷則下徵應夾鍾長三尺六寸變宮之法亦如蕤賓體用四角故四分益一也 南呂之

笛正聲應南呂下徵應姑洗長三尺三寸七分有奇 無射之笛正聲應

無射下徵應中呂長三尺二寸 應鍾之笛正聲應應鍾下徵應蕤賓長

二尺九寸九分六釐有奇案晉書律應志與此同其有小異則以宋志爲主以晉志校正之

自周禮之後史記漢書但載漢樂章而不載宮調宮調之名起於後世漢時未有然周禮所

謂圓鍾爲宮黃鍾爲角之類卽宮調也 續漢書律應志載京房六十律各自爲宮然謂其

術施行於史官候部用之則是無施於樂隋書牛宏傳載宏上議曰京

房之法漢世已不能行是也此後則列和之笛爲最古且和云漢魏相

傳施行皆然然則和之笛卽漢魏之笛矣凡金石以一簾爲一均絲樂

以一弦爲一均皆具十二律故轉五調可也轉七調可也轉十二調亦

可也竹聲則不然若一管作十二孔則手指不能按隋書音樂志云笛凡十二孔漢武帝

時丘仲所作案此殊可疑十二孔不可吹也蓋以代律管耳故一管不能具十二律本不可以轉調

漢魏之笛七孔聲均而不依律者蓋以一笛爲一均故遷就其聲勻排

其孔使可轉調與今笛勻排六孔轉爲七調者正同但不知漢魏共有

幾笛史載列和辭有太樂東廂長笛正聲長四尺二寸又有三尺二笛二尺九笛餘不可考若十二笛一笛可轉

七調則已有八十四調矣通典云漢章帝建初三年鮑鄭始請用旋宮既用旋宮則當用十二笛矣

荀勗創爲應律之笛史載其制分釐畢具古書言樂器未有如此之詳

備者余取宋王厚之鐘鼎款識冊內晉前尺卽荀勗律尺隋書律曆志云荀勗律尺

爲晉尺截竹仿造十二笛使西晉之音復存於今日誠快事也荀勗笛制

文義間有隱晦今爲圖表於左復詳釋之庶後之讀史者皆能仿造矣

鐘鼎款識阮文達公有刻本其晉前尺今摹於第九卷內

黃鐘笛

大呂笛

太簇笛

夾鐘笛

姑洗笛

仲呂笛

蕤賓笛

林鐘笛

夷則笛

南呂笛

無射笛

應鐘笛

黃鐘笛

伏孔 倍孔 無孔 無孔 三孔 簫孔 簫孔 伏孔 聲

姑太黃應 倍南 倍林 倍姑 倍姑

調正聲

角商宮變羽微變角角

調下徵

徵變角商宮變羽

調清角

變正徵變角商宮

大呂笛

伏孔 倍孔 三孔 三孔 三孔 三孔 三孔 伏孔 聲

仲夾大黃無 倍夷 倍林 倍仲 倍仲

調正聲

角商宮變羽微變角角

調下徵

徵變角商宮變羽

調清角

變正徵變角商宮

太簇笛

伏孔 倍孔 三孔 三孔 三孔 三孔 三孔 伏孔 聲

調正聲

角 商 宮 變 羽 徵 變 角 角

調下徵

徵 變 角 商 宮 變 羽

調清角

變 羽 徵 變 角 商 宮

仲呂笛

孔伏 後 孔 變 二 孔 變 三 孔 變 四 孔 變 五 孔 伏 聲

南 林 仲 姑 太 黃 應 南 倍 南 倍

調正聲

角 商 宮 變 羽 徵 變 角 角

調下徵

徵 變 角 商 宮 變 羽

調清角

變 羽 徵 變 角 商 宮

蕤賓笛

孔伏 後 孔 變 二 孔 變 三 孔 變 四 孔 變 五 孔 伏 聲

無 夷 蕤 仲 夾 大 黃 無 倍 無 倍

調正聲

角 商 宮 變 羽 徵 變 角 角

調清角

鸞

正徵

鸞

正商

宮

南呂笛

伏孔

後出孔

第二孔

第三孔

第四孔

伏孔

聲

大

應

南火

蕤

姑夾

大

倍大

調正聲

角

商

宮鸞

羽

徵鸞

角

角

調下徵

角

徵

鸞角

商

宮鸞

羽

羽

調清角

角

鸞

羽徵

鸞

角商

角

宮

無射笛

伏孔

後出孔

第二孔

第三孔

第四孔

伏孔

聲

太

半黃

無南

林

仲姑

太

倍大

調正聲

角

商

宮鸞

羽

徵鸞

角

角

調下徵

角

徵

鸞角

商

宮鸞

羽

羽

調清角

角

鸞

羽徵

鸞

角商

角

宮

應鐘笛

伏 後 第三 第四 第五 伏 聲

夾 大 應 無 夷 蕤 仲 夾 倍

調正聲

角 商 宮 徵 羽 角 角

調下徵

徵 商 宮 徵 羽

調清角

角 徵 商 宮 角

黃鐘之律長九寸三分損益以為其餘十一律之度

詳見卷上

荀勗製笛每

一笛四倍其角聲之律之長以為其倍之長黃鐘笛以姑洗為角姑洗

長七寸一分一釐有奇四倍姑洗故長二尺八寸四分四釐有奇也大

呂笛以仲呂為角仲呂長六寸六分五釐有奇四倍仲呂故長二尺六

寸六分三釐有奇也太族以下四笛夷則以下四笛皆仿此惟蕤賓林

鐘二笛八倍其角聲之律者蓋十二笛若皆四倍角律則蕤賓林鐘二

笛最短

蕤賓以無射為角林鐘以應鐘為角故最短

其最長者夷則笛也

夷則以黃鐘為角故最長

以下四笛長黃鐘以下八笛短其數不均故使蕤賓林鐘二笛加長則

短長各六也

十二笛皆以本律及角聲之律從笛首下度為第一宮孔以徵聲之律

從宮孔下度為第四徵孔以商聲之律從徵孔上度為後出商孔

古之

吹之即今之簫也故有後出孔

以羽聲之律從商孔下度為第三羽孔以角聲之律從

羽孔上度為正角伏孔又從羽孔下度為倍角伏孔以變宮之律從正

角伏孔下度為第二變宮孔

蕤賓以下六笛則此為伏孔而稍下為變宮孔

以變徵之律從變

宮孔下度為第五變徵孔

黃鐘大呂二笛則此為伏孔而稍上為變徵孔

荀勗詳其法於黃鐘

笛其餘十一笛可依例而推也

黃鐘笛上度下度所用諸律之度皆全律也大呂以下十一笛則有用

半律者故荀勗自注云相生之法或倍或半也倍非倍律之謂但對半

律言之則全律爲倍耳所以用半律者十二笛之聲以漸而高其作孔

之度亦以漸而短故前一笛用應鐘律者後一笛則用黃鐘半律又後

一笛則用大呂半律矣

以下皆仿此

今備列大呂以下十一笛所用全律半

律以便尋覽

大呂笛用大呂夾鐘仲呂林鐘夷則無射皆全律用黃

鐘半律

黃鐘笛變宮用應鐘律故大呂笛變宮用黃鐘半律也

太簇笛用太簇姑洗蕤賓夷則

南呂應鐘皆全律用大呂半律

夾鐘笛用夾鐘仲呂林鐘南呂無射

皆全律用黃鐘太簇皆半律

姑洗笛用姑洗蕤賓夷則無射應鐘皆

全律用大呂夾鐘皆半律

仲呂笛用仲呂林鐘南呂應鐘皆全律用

黃鐘太簇姑洗皆半律

蕤賓笛用蕤賓夷則無射皆全律用黃鐘大

呂夾鐘仲呂皆半律

林鐘笛用林鐘南呂應鐘皆全律用大呂太簇

姑洗蕤賓皆半律 夷則笛用夷則無射皆全律用黃鍾太簇夾鍾仲
呂林鐘皆半律 南呂笛用南呂應鍾皆全律用大呂夾鍾姑洗蕤賓
夷則皆半律 無射笛用無射全律用黃鍾太簇姑洗仲呂林鐘南呂
皆半律 應鍾笛用應鍾全律用大呂夾鍾仲呂蕤賓夷則無射皆半
律

伏孔有四皆手指所不能按但以墨點識之而不作孔但存其虛位而
已其一曰正角伏孔卽所謂左手不及者也其二曰倍角伏孔卽所謂
右手不逮者也

倍角不必作伏孔但作孔而不以指按如今笛之出音孔可也如此則十二笛竹可以同長不必以四角八角

爲長度矣苟助未知作出音孔耳

其三曰變宮伏孔此惟蕤賓以下六笛有之仲呂以

上六笛所無也十二笛之孔以次而密蕤賓以下六笛變宮孔與宮孔
相去無幾不能容兩指故於當作變宮孔之處但爲伏孔而於其下別

作變宮孔其變宮孔與伏孔相距之數則用下度之律四分之一也
變宮以仲呂半律從正角伏孔下度爲變宮伏孔乃以仲呂半律四分
之一從變宮伏孔下度爲變宮孔林鐘以下五笛皆仿此荀勗自注云
近於宮孔倍令下又云倍半令下又云四分益一皆謂此也倍半者半
而又半卽四分之一也其四曰變徵伏孔黃鐘大呂二笛之孔最疏其
羽徵變徵三孔右手三指按之幾不能及故於當作變徵孔之處但爲
伏孔而於其上別作變徵孔謂之附孔其附孔距伏孔之數則荀勗無
明文但取手指能按之處可也

二變之聲非正故
作孔可稍高稍下

黃鐘之笛宮商皆正餘聲皆倍者黃鐘笛第一孔爲黃鐘第二孔爲應
鐘第二孔聲濁於第一孔第一孔爲黃鐘正聲則第二孔爲應鐘倍聲
矣第三孔以下皆仿此以此推之其餘諸笛凡黃鐘大呂孔之下皆倍

聲也無射應鐘孔之上皆半聲也自黃鐘至林鐘八笛第五孔下之伏

孔爲倍角則體中爲再倍也夷則以下四笛則此伏孔爲正角而體中

爲倍角也此伏孔爲正角則後出孔上之伏孔爲半角也凡云體中者

俞笛聲也

十二笛體及作孔皆有長短之度惟無圍徑大小之度但云短笛竹宜

受八律之黍又云笛竹率上天下小不能均齊必不得已取其聲均合

案竹管受黍之數最無定準今幸有荀勗律尺則不必論黍數矣余以

其尺度竹管空徑三分者截九寸吹之爲黃鐘聲又取今製笛之竹從

首下一尺六寸一分一釐黃鐘笛以黃鐘姑洗二律從笛首下度爲宮

寸一分一釐也作孔吹之高於九寸管聲然則今笛竹小於荀勗笛竹也於是

取稍大之竹從首下度一尺六寸一分一釐作孔而以九寸管校之取

其聲相應者以仿造十二笛此荀勗所訓取其聲均合者也

竹聲不可以度調故自古無製笛作孔應律之法漢魏笛孔不能應律實由於此晉書謂助於千載之外推百代之法度數既宜聲韻又契可謂切密信而有徵余謂助特創此法實古人所未及然亦大略之數而非極密之數也弅聲三分損益本大略之數竹聲下度上度亦大略之數使工人有法可循則不至如漢魏時之作笛無法耳必知其為大略之數者如黃鐘笛從笛首下度一尺六寸一分一釐為黃鐘之孔黃鐘九寸姑洗七寸一分一釐共一尺六寸一分一釐也大呂笛則從笛首下度一尺六寸零三釐為黃鐘之孔大呂八寸四分二釐仲呂六寸六分五釐共一尺五寸零七釐為宮孔加夷則五寸六分一釐得二尺零六分八釐為徵孔減夾鐘七寸四分九釐得一尺三寸一分九釐為商孔加無射四寸九分九釐得一尺八寸一分八釐為羽孔減仲呂六寸六分五釐得一尺一寸五分三釐為正角伏孔加黃鐘半律四寸五分得二尺六寸零三釐為變宮孔即黃鐘律也二者相較差八釐則非極密也不獨大呂笛有微差其餘諸笛皆有微差不獨黃鐘孔有微差

其餘諸孔皆有微差

其數太繁今不盡述

吾故曰大略之數而非極密之數也况

笛竹又必上天下小故荀勗云工人造其形律者定其聲然後器象有

制音均和協正以算數但得其大略必再定其聲乃能和協

蓋以律定之如

有不協則必稍移其孔蓋上度下度之數細極毫釐而笛孔則徑數分

今笛孔徑今尺二分半為荀勗尺四分荀勗笛孔亦當如是

孔雖稍移而上度下度之點仍在孔中

也其笛體四角八角尤為大略之數故荀勗云必不得已取其聲均合

然則笛體亦可以稍長稍短非必拘泥四角八角矣

荀勗笛孔應律與列和異本但可吹一調而不可轉調其轉為下徵調

假用黃鍾為變徵尙可以應鍾太簇二孔磴磴而成至清角調則羽聲

角聲變宮聲變徵聲俱失之濁須加哨令清矣

哨若今頭管聲集之哨

然必轉為

三調者蓋以漢魏相傳之笛可以轉調故猶勉強而為此也觀其下徵

調自注云下徵更爲宮者記所謂五聲十二律還相爲宮然則每一宮必有轉調而後還宮之法乃備非止十二宮而已也

姜堯章自製曲徵招角招序云依晉史名曰黃鍾下徵調黃鍾清角調案姜氏之說非也晉史之黃鍾下徵調者用黃鍾笛而以林鍾之孔爲宮黃鍾清角調者用黃鍾笛而以體中姑洗爲宮也姜氏徵招序云不可多用變徵蕤賓變宮應鍾然則姜氏之徵招以黃鍾爲宮故蕤賓爲變徵應鍾爲變宮非晉史之黃鍾下徵調以此推之其角招亦非晉史之黃鍾清角調矣姜氏實未解晉笛三調也

惠天牧禮說以晉笛三調爲周禮不用商調之證其說云古者一宮四調沿及魏晉三調猶存曰正宮調曰清角調曰下徵調而羽調亡矣案惠氏此說亦非也晉黃鍾笛清角調者以黃鍾之孔爲宮則體中姑洗

爲角轉以體中姑洗爲宮則謂之清角調而非如周禮所謂黃鍾爲角也太簇笛下徵調者以太簇之孔爲宮則南呂之孔爲徵轉以南呂之孔爲宮則謂之下徵調而非如周禮所謂太簇爲徵也惠氏亦未解晉笛三調也且荀勗云清角調唯得爲謠俗之曲不合雅樂又不可以爲周禮之證也

凌次仲云絲聲之度長短不齊今之琴徽可驗也竹聲之度長短如一今之笛孔可驗也故今時所用之笛七孔相距長短如一與琴徽之相距不同稽之古法正合荀勗不知竹聲之度異於絲聲乃依京房之術妄以笛孔取則琴徽反譏列和作笛無法案凌氏之譏荀勗尤非也荀勗正以竹聲之度異於絲聲故不用三分損益之法而別創上度下度之法安得謂之不知乎竹聲之度異於絲聲卽京房所謂竹聲不可以

度調此說出自京房何反譏京房之術乎京房但知竹聲不可以度調
至荀勗乃悟竹聲可以上度下度此則荀勗自創之術豈用京房之術
乎荀勗所云或倍或半或四分一取則於琴徽者琴瑟之半爲七徽四
分一爲四徽其音皆相應荀勗笛上度下度或用全律或用半律或用
四分之一故云取則於琴徽非謂琴徽疏密不齊而作笛孔疏密不齊
者以則之也凌氏未解其說耳

惠天牧琴笛理數考云笛孔疏密取則琴徽此亦誤解荀勗之說者也惠氏此

書余未見此據錢辛

相所爲惠先生傳荀勗所以譏列和者以謂弅歌皆從笛爲正笛不

應律則弅歌皆不應律安得而不譏之乎凌氏以今笛孔相距如一者
爲竹聲真度如其說則但有七聲而無十二律矣此凌氏囿於今之俗
樂安得以譏荀勗乎蓋荀勗笛制雖載在晉宋二史而自來罕知其說
者以姜堯章之深於音律惠天牧凌次仲之精於考古而皆不得其解

信乎難索解人矣

胡氏彥昇樂律表徵謂荀勖黃鍾一笛具七律之調則全不解荀勖笛制者也

隋書音樂志云笛有七孔以應七聲黃鍾之笛長二尺八寸四分四釐有奇案此黃鍾笛之長正與荀勖同然則荀勖笛制流傳至隋猶用之凌氏謂荀勖笛當時不能用後世不可行非也荀勖笛六孔而志云七孔或隨時增角聲一孔爲出音孔歟

荀勖言列和之笛七孔聲均則漢魏之笛已七孔矣今笛出音孔作

二孔四孔乃俗工所爲便於繫繩耳如琴之兩旁屈曲無一定度數亦俗工所爲古人作此屈曲必以識十二律之位後來失其傳耳詳見余所著琴律譜附識於此

或曰今笛孔相距如一有七聲而無十二律則然矣凌氏以此爲竹聲真度何以明其不然耶曰此易明也今笛孔相距七分有奇簫孔相距一寸許若竹聲真度相距如一則簫笛皆竹也簫孔與笛孔亦當如一何以笛聲清則孔密簫聲濁則孔疏乎觀簫笛二管其孔之疏密不能

如一可悟一管亦同此理距吹口近則聲清而孔當密距吹口遠則聲濁而孔當疏由近漸遠由清漸濁亦由密漸疏無可疑者若必以疏密

如一者爲竹聲真度試問笛孔是真度乎簫孔是真度乎將何所適從

哉

六孔疎密如一便於造笛工人此是巧法試觀吹笛者吹工字調盡按六孔爲合字開下一孔爲四字二孔爲一字次第而上至凡字當

盡開六孔而今只開第一孔第四孔可見第一孔失之高而吹笛者補救之也蓋盡開六孔則手不能執笛惟遲就之使其孔稍高則可不盡開矣此乃巧法也豈真度乎若以爲真度試於今笛第一孔上作二三孔第六孔下作二三孔皆相距如一則其差多矣此可試之而立見者也○律呂正義後編雖不盡信荀勗笛然謂唐以下簫笛孔相距適均尤不可爲典要律呂相生其差以漸而少無適均者此乃定論也

欲求竹聲真度則當用連比例十三率算之乃可得也其法以黃鍾少

宮三寸九分爲一率黃鍾九寸爲十三率以三寸九分除九寸得二三

○七六九二三爲實十一乘方開之得一○七二一七二爲連比例屢

乘法自三寸九分遞乘之得應鍾至大呂十一律之數此近者南海鄒

特夫所算竹聲真度若用鄭世子法則以黃鍾九寸與黃鍾少宮三寸

九分相乘開方得蕤賓亦可也

求餘十律同前○連此例算法非俗工所解然論真度則必如此數理乃通凌

氏周明算者蓋未之思耳

竹聲連比例十三律

黃鍾九寸

大呂八寸三分九釐四毫

太簇七寸八分二釐九毫

夾鍾七寸三分〇二毫

姑洗六寸八分一釐一毫

仲呂六寸三分五釐三毫

蕤賓五寸九分二釐五毫

林鍾五寸五分二釐六毫

夷則五寸一分五釐四毫

南呂四寸八分〇七毫

無射四寸四分八釐四毫

應鍾四寸一分八釐二毫

黃鍾少宮三寸九分

古法黃鍾九寸爲宮三分損一下生林鍾六寸爲徵 律呂正義則黃

鍾爲宮夷則爲徵觀此竹聲真度而了然明白矣古法林鍾六寸非竹

聲真度故京房云竹聲不可以度調也竹聲真度林鍾五寸五分二釐

六毫與古法夷則五寸六分一釐八毫相近 正義謂黃鍾爲宮夷則

爲徵以此故也 正義律呂與古不同皆由於此也